

DEPARTAMENTO DI OBRA PUBLICO TA INFORMA:

## TUR RESTAURANT MESTER TIN UN VETVANGER

**DIALUNA** mainta 16 di augustus 2021 n'e gemaal (stacion di pomp) situa na J.E. Irausquin Boulevard na haltura di e high rise hotels, a bin topa cu un situacion lamentabel di vet fresco cu ta solamente trece problema p'e planta di purificacion di awa na Bubali.

Tur restaurant mester tin un vetvanger pa captura e vet y deshaci di dje di un manera responsabel protehando nos medio ambiente.

Actonan irresponsabel manera loke a bin topa cu ne ultimo simannan ta solamente trece mas problema p'e planta di purificacion di awa na Bubali, cu ya caba ta den un situacion delicado. Ta importante pa señala lo siguiente;

Tur restaurant *mester* tin un vetvanger. Cu no ta pasobra bo a deshaci di e vet den cushina, e no lo ta un problema mas.

No ta permiti pa tira F.O.G. den sistema di riool; Fat, Oil and Grease.

Ta di spera cu e incidente lamentabel bira un señal na tur esnan den sector aki cu nan mester hiba un maneho cu ta cumpli cu ley y reglanan.



**INVEST  
SECURE**



*We don't just say it ... We Guarantee it !!!*

You can focus on your business

If you leave your security protection up to us.

Call 582-7252 for a free presentation.

Email: [insec@setarnet.aw](mailto:insec@setarnet.aw)





Abuso laboral sin precedente den compania na aeropuerto

# Si trahador bira malo y keda cas e lo wordo castiga cu varios dia sin pago

Kisas COHO por cambia esaki?

**KISAS** e hefe di personal di un compania local cu ta atende cu servicionan di avionnan cu ta yega Aruba lo a inventa algo pa minimalisa e nivel di “AO” n’e compania, pero en realidad e medidanan cu e ta imponiendo, ta un violacion flagrante di leynan laboral na Aruba.

Loke ta mas serio ainda, ta cu e tipo di abusonnan aki, ya cu no por califica esaki di otro forma, ta wordo permiti pa Departamento di Labor y pa un Gobierno cu na su entrada na 2017, a sigura pueblo cu su maneho ta dirigi riba e “hende.”

No ta for di awor tin keho contra algun compania cu ta operando na Aeropuerto y loke tambe ta mas serio ainda, ta cu gerencia di Aeropuerto tambe por wordo considera culpabel p’e abuso aki, ya cu nunca nan ta actua contra e falta di respet p’e clase trahador.

Aki no ta solamente violacion di leynan laboral di Aruba, pero por papia di opresion di derecho di e trahadornan den tur sentido di palabra, ehecuta pa un hefe n’e compania cu ta kere cu ta su persona ta dicidi kico mag y kico no mag den e compania.

E compania ya caba a perde varios trahador cu no a keda mucho den servicio ya cu e trato cu nan ta ricibi no ta honesto caminda e compania cu no ta cumpli cu leynan laboral di e pais, ta pagando trahadornan p’e oranan cu nan traha y nada mas.

En berdad e trahadornan aki ta inscribi na SvB, pues e compania ta cumpli cu cierto parti di e leynan laboral, pero ora cu ta trata drecho y interes di e trahadornan, esakinan ta wordo manipula y hasta abusa den un sentido grandi, di parti di gerencia di e compania aki.

Tin un hefe di personal di e compania cu na tur momento cu un trahador informa manera ley ta prescribi cu e ta malo y lo keda cas pa un of dos dia y hasta bay AO, esaki ta drecha na vigor mesora, pero ora cu dokter dicidi cu e trahador aki por bay traha bek AG, pues e por traha bek eyan e abuso ta cuminsa.

E hefe di personal cu nos ta anuncia cu ta di incial G. pero AWEMainta tin su number completo, pa colmo un Arubiano, ta dicidi cu e no ta schedule e trahador aki cu a tribi di ‘meldt ziek’ pa cierto periodo, lagando e trahador aki sin entrada.

AWEMainta a ser informa pa mama di un trahador, kende despues a bandona su trabou, cu e castigo ta varia di entre 5 te cu 7 dia y ora cu e hefe G. aki ta haya ta bon, e por impone un suspension si por yama e abuso aki asina, di 20 dia cu e trahador no ta riba schedule pa traha.

Esaki ta nifica cu e trahador lo no tin pago pa 20 dia di trabou den un luna loke ta pone cu e trahador aki lo no bay cu mucho salario cas fin di luna.

## ABUSO GRANDI

Ora cu analisa e casonan aki, e ta simplemente un abuso grandi contra e clase trahador y pa colmo ningun sindicato, ningun gerencia di aeropuerto y ningun Departamento di Labor di Gobierno, ta na altura di esaki.

E ta un violacion flagrante di abuso di leynan laboral di Aruba, pero te na ora cu ningun instancia no interveni, te na ora cu permiti e abusadornan aki sigui comete e crimen aki, ya cu no por cataloga esaki di otro forma, e abusonnan criminal aki ta sigui tuma lugar.


AWEMainta lo sigui vigila e caso aki di cerca y den proximo dianan lo reuni cu algun ex trahador di e compania y si no bin cambio den esaki, lo anuncia number di e compania local aki cu ta duna servicio na avionnan cu ta yega Aruba y lo publica number cu foto di e hefe di personal; G. aki, ya cu ta imposibel cu e ta abusando di trahadornan di e forma aki.

Aki Gobierno ta fayando barbaramente cu su vision di “e hende prome” ya cu realmente den e tipo di casonan aki, e hende semper lo ta ultimo.

Ta bin acerca cu AWEMainta tambe a wordo informa pa un ex trahador, kende a wordo bisa cu Departamento di Labor no por haci nada p’e, ya cu ta for di ariba ta bin ordo, esta for di Gobierno ta bin ordo, ya cu e compania local aki ta sponser e partido mas grandi den Gobierno n’e momentonan aki, loke ta haci e asunto aki ainda mas serio.

Kisas cu COHO realmente lo por cambio den e forma di procede di companianan estatal manera AAA ta un di nan y asina for di Hulanda derecho di trahadornan wordo respecta manera mester ta.

# Ocho estudiante cu mester regresa Hulanda pa sigui studia, a test positivo pa Covid-19



**DEN** proximo dos siman un grupo grandi di estudiante Arubiano cu bin Aruba for di Hulanda pa pasa nan vacacion escolar cu famia, ta preparando pa regresa e diferente ciudadnan pa sigui cu nan estudio y specialisacion.

Ta anticipa cu scolnan na Hulanda lo cuminsa opera bek den prome siman di september y ta calcula cu for di Aruba tin entre 100 pa 200 estudiante cu tin cu regresa Hulanda. Na mes momento ta rekeri cierto prueba cu nan a pasa e test di Covid-19, pero na mes momento AWEMainta a wordo informa cu lo tin sigur ocho estudiante cu tin cu regresa Hulanda, cu a test positivo y hasta cu e grupo aki lo ta conta cu entre 15 pa 20 estudiante.

Mayoria di esnan cu a test positivo algun siman atras, a bandona cuarentena y awor lo tin cu test prome cu nan biaha pa Hulanda mientras cu n'e momentonan aki, tin un grupo di ocho sigur cu ta den cuarentena, pero e grupo aki lo por ta mas grandi.

Informacion ricibi ta muestra cu mayoria di studentenan cu a test positivo, tabata bishitando clubnan nocturno y tabata acudi na fiestanan bailabel caminda nan lo a wordo contagia cu e virus aki.

Den dos caso e studentenan a bira basta malo, pero no cu a rekeri tratamento na hospital y despues nan a recupera bon bon y ta den preparacion pa biaha pa Hulanda y sigui cu nan estudio.

Na mes momento AWEMainta tambe a ricibi informacion

cu algun estudiante cu a dicidi di cambia nan estudio, ainda no a keda cla cu scolnan nobo, of no a haya cupo ainda loke ta nifica cu nan no ta sigur di lo por biaha mesora di regreso.

Nan por biaha pa Hulanda ya cu nan tin nan studiening y nan apartamento, pero e huurnan di e apartamento aki, ta rekeri cu e estudiante den scol, ya cu si manehado di e lugarnan aki haya sa cu e hoben no ta studiando, e lo wordo poni riba caya.

Esaki ta algo cu ta pasa tur aña cu studentenan di prome aña na Hulanda, kendenan no ta comodo cu e specialidad cu nan a scoge y lo kier cambia di rumbo pa sigui un estudio cu nan ta mas comodo cune.

Un problema mayor di studentenan Arubiano t'e hecho cu e nivel di Hulandes no tur ora ta adecuado y nan ta haya nan mes ta lucha hopi pa cu interpretacion di contenido di e estudio cu otro cos, loke ta pone nan busca algo mas facil y mas rapido.

Studentenan di Merca ya caba a biaha for di siman pasa ya cu eynan scol a inicia e siman aki y den e grupo aki tambe tabatin un caso di un hoben cu a contagia cu Covid-19, pero esey tabata na inicio di su yegada na Aruba y el a supera esaki, pero si mester a pasa test di nobo p'asina e por drenta Merca.



Cancelacion di biahenan no ta situacion na Aruba

# Mas di haber cu explosion di casonan na Merca cu 140 mil caso di contagio diabierna

**CU** tin cancelacion di reservacionnan for di Merca pa algun hotel a bin ta tumando lugar ultimo dianan, lo no tin nada di haber cu aumento di casonan di contagio na Aruba, pero mas bien p'e situacion cu tin na Merca mes.

Desde prome di juli ultimo, autoridadnan a admiti cu tin un aumento di 648% di casonan nobo di contagio di Covid-19 den henter e pais cu ta igual cu e brote halto cu a surgi durante di invierno na 2020 y 2021 caminda den varios ciudad grandi, a surgi aumento grandi.

Mientras cu aki na Aruba ta mustRANDO cu dor di e aumento di casonan n'e isla ta motibo di cancelacionnan for di Merca, awor ta resulta cu esaki lo no t'e caso principal, pero si e desaroyo di casonan di contagio na Merca mes.

Den un entrevista duna na Fox News Sunday, Director Francis Collins di National Institutes of Health, a cu dentro di algun dia Merca lo bay conoce un total di 200 mil caso nobo di Covid-19 pa dia, cu tambe ta igual n'e periodo di invierno menciona.

Mescos cu aki na Aruba ta mustRANDO continuamente riba e necesidad y importancia pa mas tanto hende tuma e vacuna, na Merca ta muestra cu principalmente den estadonan sur di e pais, caminda tin un porcentaha hopi limita di personanan cu a vacuna, e aumento ta mas grandi.

Director Collins a muestra tambe cu e cifra halto aki di 200 mil caso pa dia,



a surgi na luna di janurai y februari di e aña, pero cu n'e momentonan aki tin alrededor di 90 miyon hende cu no a wordo vacuna, caminda nan ta manera "sitting ducks" p'e variante di Delta cu t'asina contagioso y esey t'e situacion delicado cu tin na Merca actualmente.

Manera ya menciona e experto a muestra cu for di prome di juli ultimo, e total di casonan a aumenta cu 648%, pero pa gran parti di e aumento aki, ta pa motibo di surgimento den estadonan sur di e pais caminda no mucho hende a tuma vacuna manera Arkansas, Louisiana y Mississippi.

Den su declaracion tambe Collins a muestra riba un problema cu Aruba su sector di cuido, esta hospital ta enfrentando, caminda pa algun luna algun di e centronan di cuido a reduci trahador, a reduci cama y otro serviccionan pa motibo di reduccion di ca-

sonan y awor ta confrontando situacionnan cu poco personal of cama pa cuida hendenan malo.

AWEMainta den su edicion di ayera a muestra tambe con apesar di e aumento di casonan di Covid-19 rond Merca e pais ta trata di mantene su sector economico funcionando, no ta mira cu Gobierno ta dicidi di tuma ningun medida adicional pa sea stagna e aspectonan comercial, economico of financiero.

Pues tin tur indicacion di informacionnan for di Merca mes ta muestra cu probablemente tin cancelacionnan cu ta tumando lugar pa cu Aruba, lo por ta influencia pa loke a bin ta pasando cu casonan di Covid-19 na Merca mes den ultimo simannan.

Ta cifranan impactante sin duda y ta di spera cu e situacion na Aruba lo cuminsa desminui den proximo dianan.



## United Dogs Aruba a cancela programa di sterilisacion masivo na Aruba debi na brote nobo di Covid-19

E proyecto di sterilisacion masivo pa pushi y cacho cu mes- ter a tuma lugar na october y november, a keda posponi te proximo aviso. E grupo responsabel p'esaki, esta United Dogs Aruba a informa Gobierno di nan decision despues di consulta cu e ekipo medico cu ta mihor pa pospone e campaña.

### MOTIBONAN

Entre e motibonan duna pa cancela e campaña, t'e au- mento di casonan di Covid-19 cu dos variante nobo, cu a resulta den hopi caso positivo. E grupo a sigui splica cu mientras ta nan responsabilidad pa cuida e seguridad di nan boluntarionan, aworaki e garantia ey no ta posibel.

Adicionalmente Departamento di DEA di Merca a dicidi pa para tur licencia di exportacion pa medicina controla, den un intento p'asina para mas tanto biahamiento for di Merca.



### FECHA NOBO?

Mi ta di december nan lo evalua internamente riba un fecha nobo y participa esaki na autoridadnan di Aruba. Mientrastanto, nan ta pensando riba un otro forma pa logra nan meta. Nan tin algun idea caba y lo comparti es- aki proximamente.

## Fundacion Movimiento ta sigui cu su programa

FUNDACION Movimiento ta Bida den su pro- grama Hunto Grandi, Grandi Hunto dirigi pa su coordinadora Rosa Leon. Tin dos programa pa nos adulto mayor. Percusion Pariba di Brug ta un pro- grama unda cu lo siña den man di e maestro Vio Wester diferente ritmo. Manera calypso, danzo y walls.

E programa ta uno cu por wordo usa pa crea cono- cimentonan nobo den e area di muscia, bo ta relaha bo mes durante e lesnan y bo ta crea contactonan nobo tambe.

E di dos programa ta Obra di Man pa hende muher edicion Pasco. E programa aki ta bao guia di sra. Lena Orman y Gladys Lugo unda cu pa 12 siman largo lo bo crea diferente decoracion pa temporada di Pasco. Meta di e programa aki ta pa nos bay bek den tempo unda cu temporada di Pasco nos mes tabata traha nos decoracion.

Mester bisa cu tur dos programa e cupo ta limita p'asina nos por ofrece e seguridad y nos por cumpli cu e reglanan stipula pa DVG. Pa inscribi por yama na 586-58651 of 641-9272 di 8:00-12:00 pm.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

# AUTHENTIC ARUBAN & CARIBBEAN BUFFET

**Elements RESTAURANT**

LOCATED AT BUCUTI & TARA BEACH RESORT

**RESERVATIONS REQUIRED**

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

**\$24.50**

SERVICE CHARGE INCLUDED



Prome Minister encurasha cada estudiante Xavier University School of Medicine pa

# Ta un mihor version di nan mes den nan biahe como profesional medico

**DIASABRA** 14 di augustus, Prome Minister a duna un discurso n’e studiantenan di Xavier University School of Medicine cu a gradua na unda cu el a encurasha cada estudiante pa haci tur esfuerso den nan biahe como profesional medico, pa ta un mihor version di nan mes.

“Gradua ta un gran logro. Algun di boso mester a supera obstaculonan na caminda, pa después, na momento cu boso tabata na punto pa cruza e liña di boso meta, e mundo a trastorna pa un pandemia global. Y esaki a haci boso papel den nos sociedad mas visibel cu cualkier otro momento di historia moderno.

Esaki ta un momento importante den boso carera. Boso a yega asina leu, pasobra boso tabata comprometi cu medicina.

Boso ta comprometi pa t’e heroenan cu comunidannan asina tanto tin mester awor mas cu nunca. Pero e compromiso aki no ta tur cos.

Bira un dokter kiermen entrega un parti di boso mes na otro ser humano. Pa haci esaki, boso mester haci tur esfuerso pa tur dia t’e miho versión di boso mes”.

Bisando esaki, Prome Minister den su discurso, a comparti 3 pensamento cu nan cu a yud’e bira e mihor versión di su mes cu e speransa cu esakinan por inspira cada estudiante den e siguiente fase di nan biahe pa bira e mihor versión di nan mes.

**Prome**, bo trabou lo yena gran parti di bo bida y e unico manera pa ta satisfecho di berdad y haci un excelente trabou, ta pa haci loke bo ta kere den dje. Pa haci esaki ta importante pa haci loke bo ta stima y stima loke bo ta haci.

**Di dos**, lidera cu empatia. E avancen tecnologico y científico ta hibando e veld di medicina na alturanan nobo y esaki ta ‘great’. Pero manera tur otro profesion, medicina ta trata di ser humano.

E aspecto humano di medicina ta loke ta conecta. Sea un lider of dokter cu empatia, ta nifica pa tin un interes genuino p’e bida y sentimento di pashentnan. Asina nos ta conecta y crea un sentimento cu nos ta forma parti di e bienestar di un comunidad.



**Di tres**, sea bo ta realiza of no, dor di tuma un profesion den medicina of cuido di salud, bo a pone bo mes bou vigilancia; boso t’e guardiannan di nos planeta y di humanidad. Esaki ta un yamado special. Nos tur a siña cu circunstancianan por cambia di nochi pa mainta. Lo tin momentonan bon y lo tin momentonan dificil, mientras boso carera ta avansa. Mantene bo focus y nunca lubida e razon pa cua boso a cuminsa e reto aki.

Prome Minister a finalisa su discurso felicitando tur estudiante cu a gradua di Xavier University School of Medicine y ta desea nan exito den nan biahe como profesional medico, pa ta un mihor version di nan mes.



# Covid ta sigi registra mas morto

Ayera 56 caso positivo nobo di Covid19 a keda registra

ULTIMO INFORMACION

Casonan di Corona Virus na Aruba  
16 di Augustus 2021

16/8/2021	TOTAL	RESIDENTE	NO-RESIDENTE
Casonan Nobo	56	53	3
Activo	1026	919	107
Recupera	12259	11149	1110
Positivo	13406	12187	1219
Morto	121	119	2

DI acuerdo cu DVG, Aruba a registra dos morto mas ayera y 56 caso positivo nobo di Covid19. E mortonan ta dos persona di edad riba 75 aña y cu no tabata vacuna.

Segun resumen di ayera 112 persona a recupera. Di e 56 casonan nobo, 3 ta turista y 53 ta residente.

E cifranan aki ta representa un ‘Positivity rate’ bou di nos residentenan di 29%. Cantidad di casonan activo di Covid-19 p’awe ta 1026 y cantidad di fayecidonan relaciona cu Covid-19 awor ta aumenta na 121 cu fayecimento di e 2 residente. Condolencia y forsa na famia di e fayecidonan.

Datos di Covid ta ilustra aumento di casonan nobo cu un average semanal di 119 caso pa dia y un average di ‘positivity rate’ semanal di 29% pa dia.

Hospital tin actualmente 59 persona interna cu Covid di cual 6 ta den ICU na Aruba y 8 den ICU na Colombia, 41 riba piso general y 1 riba piso di maternidad (hende muher na estado).



## EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIJDAG 27 AUGUSTUS 2021 om 10:00 uur 's-morgens bij de Kamer van Koophandel (Auditorium)** aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. **EMMASTRAAT 69**

een woonhuis staande op een perceel eigendomsgrond groot 510 m2, gelegen aan de Emmastraat in Aruba, kadastraal bekend als Eerste Afdeling Sectie N nummer 1101.

richtprijs: **Afl. 314.000,--**

2. **ESSO HEIGHTS G-12**

een woonhuis staande op het recht van erfpacht tot 13 augustus 2052 op een perceel domeingrond groot 500 m2 gelegen te Esso Heights in Aruba, als nader omschreven in kadastrale meetbrief nummer 1 van 3 januari 1992.

richtprijs: **Afl. 177.000,--**

3. **SAN FUEGO 5-R**

een woonhuis staande op het recht van erfpacht tot 21 juli 2059 op een perceel domeingrond groot 610 m2 gelegen te San Fuego in Aruba, kadastraal bekend als Derde Afdeling Sectie D nummer 986.

richtprijs: **Afl. 200.000,--**

4. **SERO BIENTO 27-A**

een woonhuis staande op het recht van erfpacht tot 17 februari 2054 op een perceel domeingrond groot 599 m2 gelegen te Sero Biento in Aruba, kadastraal bekend als Eerste Afdeling Sectie R nummer 2820.

richtprijs: **Afl. 220.000,--**

- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:

[www.newleafaruba.com](http://www.newleafaruba.com)

# Apertura exposicion di Alida Martinez

**DIABIERNA** ultimo 13 di augustus a habri un exposicion den sala di exposicion na Cas di Cultura conoci como Sala Unoca. E apertura a wordo haci dor di Roly SintJago, unda poeticamente a deleita e presentenan cu un discripcion di obranan y e persepcion su tras.

E coleccion ta consisti di varios obheto - scultura, instalacion, collages y dibuhonan. E obra “Un porciento pa Art Tax” ta uno cu ta refleha unda nos mester para keto pa traha y yega n’e fondonan pa por tin un Museo Contemporaneo pa nos isla Aruba.


Cu e propuesta aki por contempla e posibilidd pa cuminsa traha esaki. Tambe e propuesta di e instalacion “El Madurismo” ta refleha pa medio di uso di corant, como obra di arte original traha, cu ta informa riba noticianan acumula riba e situacion di ciudadanonan y cu ta imigra na otro paisnan dor di mal maneho y di poder politico.

E obranan ta refleha y ta pone riba teblachi un dialogo cu e expectador. E coleccion aki di “Give them Faith in their own voice” lo ta disponibel pa wak na Cas di Cultura Aruba for di 16 te cu 27 di augustus durante horario di 9am pa 4pm, dia dialuna pa diabierna.

Cas di Cultura ta mantene regla di uso di tapaboca como obligatorio.



Ministro di Husticia, Siguridad y Integracion ta anuncia cu entrante **18 augustus 2021** segun Ley di Molestia, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un instalacion di gas di 2x 100 lbs na **Balashi 76**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia, Siguridad y Integracion mediante director di Departamento di Legislacion y Asunto Huridico, Schotlandstraat 53.





# Dos homber deteni pa ladronicia di koper



**DIADOMINGO** atardi pa mas o menos 5:30, Polis a bay un cas bandona pariba di Citgo Tanki Leendert.

Eynan lo tabatin dos homber den e cas hortando wayanan/tubonan di koper.

Patruxa di Polis cu a yega n'e sitio a topa cu e dos hombernan cu apariencia di adicto. Ambos a wordo deteni y Polis a confisca e wayanan cu tabata cla pa horta y pa bay cu nan.

# EXPO 2021

## Bibida

Red Cross + Aruba




Nos ta invita nos grandinan (65 plus) pa nos EXPO anual special dedica na nan!

Con nos ta prepara pa horcan  
Reumatologia y nos grandinan  
Nos matanan local y nan uso  
Tips pa Prome Auxilio  
Higiene Personal  
Cancer di Tripa  
Nos Curason  
Nutricion







**Tambe cu diferente workshops di movecion, asina ta bisti comodo pa por participa!**

**Fecha:** Diamars, 24 di augustus, 2021

**Ora:** 6.30pm-8.30pm

**Lugar:** Aruba Surfside Marina

Por busca **Ticket Gratis**  
na Cruz Cora entre Aug.9-23  
8am-4pm Dakota  
8am-1pm San Nicolas  
Lo tin un Maestro Cash Bar



# Chauffeur di Nissan March seriamente herida despues di accidente den Arendsstraat



STATEN VAN ARUBA

OPENBARE  
VERGADERING OP 19  
AUGUSTUS 2021 OM  
10:00 UUR V.M. IN DE  
VERGADERZAAL VAN DE  
STATEN VAN ARUBA

TE BEHANDELEN  
ONDERWERP

## Agenda:

Ontwerp-landsverordening tot wijziging van de Landsverordening voorkoming en bestrijding witwassen en terrorismefinanciering (AB 2011 no. 28), het Wetboek van Strafrecht van Aruba (AB 2012 no. 24), de Sanctieverordening 2006 (AB 2007 no. 24), de Landsverordening meldplicht in- en uitvoer contant geld (AB 2000 no. 27) de Landsverordening vrije zones 2000 (AB 2000 no. 28), de Landsverordening toezicht kredietwezen (AB 1998 no. 16), de Landsverordening toezicht effectenverkeer (AB 2016 no. 53) en de Aanbestedingsverordening (AB 2019 no. 39) (Algehele herziening AML/CFT-wetgeving)

De Griffier,  
mr.dr.s. Herman Ch. J. Hek

*Rekening houdende met de aankondiging door de regering op 5 augustus 2021 inzake de preventie van de verdere verspreiding van het COVID-19 virus, wordt u verzocht om tijdens de vergadering zo veel mogelijk uw mondkapje op te hebben.*



**DIADOMINGO** atardi pasa di 6'or Polis a haya informacion di un accidente serio, pa-riba di Budweiser Bar.

Informacion a drenta di un accidente serio riba Arendsstraat cu Driemasterstraat. Brandweer tabata e prome unidad di rescate n'e sitio.

Na yegada di unidatnan policial, e chauffeur tabata riba caminda drumi rondona pa algun persona cu yega pa yuda. No ta conoci si e chauffeur mes a sali of e hendenan cu a yega por a sake for di e auto cu a keda completamente destrui dilanti.

Locual por a mira ta cu e auto aki un 25 pa 30 meter mas pabou a kita na su man drechi dal un cura di cas ranca un meter di awa y sigui bay para mas pariba.

Velocidad halto a hunga un rol hopi grandi den e accidente aki, y por a mira esaki con e auto a keda y tur e daño cu el a laga atras n'e cura di cas.

Ambulance tabata e ultimo pa yega, unda cu na yegada mesora a baha e stretcher pa bay cuminsa lanta e chauffeur kende tabata grita di hopi dolor.

Algun rato despues mas Paramedico a yegada pa duna un man na e coleganan.

WEB N.V a wordo pidi debi cu masha hopi awa tabata spuit unda e meter a wordo ranca. Te den oranan laat WEB N.V mester a keda pa resolve e daño haci.

BFTO tambe a ser pidi mirando cu ta trata di un accidente serio. Pa locual t'e Nissan March el a wordo hiba warda di Balashi unda Departamento di Trafico ta keda.



# Aruba Bank a aporta na Back 2 School Summer Camp di 297 Soccer Academy



**ARUBA** Bank ta aporta na 297 Soccer Academy su di 4 aña di Back to School Summer Camp. Durante e camp muchanan ta siña e participantenan diferente tecnica basico di futbol esta dribbel, samen spelen, pass & trap, positie spel, coordinatie, afwerking etc.

E enfoke ta riba muchanan entre 4 cu 14 aña di edad y a parti e gruponan a base di nan edad y nan nivel di futbol (beginners/advanced) y tambe pa mantene menos contact fisico posibel. E aña aki e camp di augustus por a conta cu un total di 55 participante y 10 soccer coach certifica.

E Back to School Summer Camp tin como meta pa duna bek na comunidad. Nan kier haci esaki dor di yuda muchanan cu mester ayudo pa cumpra materialnan pa skol ya asina nan por cuminsa e aña escolar nobo sin ningun problema. Tur e fondo recauda durante e Camp ta bay bek n'esaki.

Nos ta contento di por a contribui na un camp cu tin como meta un bunita causa. Nos kier felicita Jean-Luc Bergen y full e team completo di 297 Soccer Academy pa nan tremendo trabou durante e camp.



DEALS OF THE WEEK

25%  
DISCOUNT  
ON SELECTED  
CUSHION  
COVERS

25%  
DISCOUNT ON  
WALLPAPER

15%  
ON WALLPAPER  
GLUE & KIT

Offer valid from Monday, August 16<sup>th</sup> till Sunday, August 22<sup>th</sup> or while supplies last

kooymanbv.com

THERE IS ALWAYS SOMETHING TO DO



## Brazil Taekwondo Stichting ta habri su portanan pa tur esnan cu ta interesa pa siña y practica Taekwondo

**ESAKI** t'e oportunidad pa train na Brazil Taekwondo Stichting hunto cu e team di Train Hard Fight Smart pa siña y practica Taekwondo. Por acudi n'e gymzaal di Tarcisius Kleuterschool situa na Brazil 39-A, for di 5'or pa 6'or di atardi pa mucha di 5 aña te cu 13 aña y 6'or pa 7'or di anochi pa mucha y adulto for di 14 aña bay ariba.

Training ta dialuna, diaranson y diabierna y for di 20 te cu 31 di augustus tin proefles. Les ta wordo duna dor di e legendario Alberto Klabér y algun miembro elite di e team di Train Hard Fight Smart.

Train hunto cu e team di Train Hard Fight Smart cu a representa Aruba rond mundo, participando den campeonato mundial, Pan Americano y den teamnan di TK3,



TK4 y TK5 na Corsou y Suriname unda cu a gana e copa pa varios aña.

**PANADERIA DEL PUEBLO**  
*Baked with Love*

**Fresco Tur Dia**

**HABRI TUR DIA DI 6:00AM-6:00PM**

YAMA NOS: 5821915

Guyabastraat #4  
Dakota

E team di Train Hard Fight Smart a representa Aruba for di Corsou te na Korea, Korea ta madre patria di Taekwondo y eynan a logra gana Oro, Silver y Brons.

Rumannan Klabér a representa Hulanda den Nederlandsche Kampioenschappen y Zahyon Klaber ta dos aña consecutivo campeon di Hulanda, mientras cu Joshua Klaber ta sub campeon.

Biahando rond mundo representando Aruba bou guia di coach Master Alberto Klabér y for di ex campeon mundial, campeon di Europa, Olimpico Master Henk Meijer.

Atletanan di Brazil Taekwondo Stichting a participa den Camp Training na Europa y Latino America.

Brazil Taekwondo Stichting su team di Train Hard Fight Smart ta forma atletanan for di e comienso te cu atletanan elite.

Probeca di e oportunidad pa train cerca Brazil Taekwondo Stichting. Bira docente y train Taekwondo, bira Polis y train Taekwondo, bira bodyguard y train Taekwondo y asina por sigui menciona. Mas informacion tocante di e plan di 2022/2023 por haña riba e dlanan menciona aki riba. Follow nos ariba e Facebook Page di Stichting Brazil Taekwondo.



# Saba a introduci condicion nobo pa biaheronan di Còrsou, Aruba y SXM

**SABA** — For di ayera ta konta kondishon nobo pa biaheronan for di Aruba, Kòrsou i Sint Maarten ku ke bishita Saba pa motibu ku e promedio di kasonan di Covid-19 a subi tremendamente den e tres paisnan aki i nan mester pasa un tèst di PCR por lo menos 72 ora promé ku nan yega Saba sea ku nan a bakuná of laga. Biaheronan ku a bakuná segun regla no tin nodi di bai den karentena, pero riba e di 5 dia ku nan ta na Saba nan tin ku pasa un tèst.

Durante e sinku dianan aki nan ta enkurashá e biaheronan pa traha for di kas si ta posibel i evita di meskla den areanan ku hopi hende i tapa kara ta obligatorio den publiko. Nan no por partisipa na aktividatnan despues di skol i otro eventonan publiko durante 5 dia pa despues pasa un tèst.

Biaheronan ku no ta bakuná mester bai den karentena durante 5 dia si nan ta bin di un pais di poko riesgo pero si nan ta yega for di un pais di riesgo regular, nan tin ku bai 5 dia den karentena.

Djabierne ultimo Outbreak Management Team of Tim di Krisis a dikta ku biaheronan mester pasa tèst di PCR pa biaheronan dje paisnan menshoná i den mesun reunion nan a diskuti tur aspekto dje situashon ku ta reina i ki medida tin ku tuma.

Mester rekordá ku Saba no tin un hospital full ekipá i ta Sint Maarten of Sint Eustatius mester manda pashèntnan ku ta hopi malu.

Saba a tuma e medida speshalmente pa Sint Maarten pasobra tur biahero ta inisia i kaba nan biaha for di Sint Maarten i e kantidat di kasonan ta sigi subi na Sint Maarten.



Ministerio di Salubridat na Hulanda ta kalifiká e situashon preokupante. E Tim di Krisis a disidi pa krea un lista speshal ku medidanan èkstra pa Aruba, Korsou i Sint Maarten.

Mas ku 90% di habitantenan di mayornan di edat na Saba a bakuná mientras ku e otro paisnan tin alto promedio di kontaminashon.

Saba ta dependé riba konekshon ku eksterior pa servisionan vital i kuido mediko di akuerdo ku Jonathan Johnson.

Johnson a rekordá habitantenan di Saba ku e isla ta den un periodo di mitigashon i no di peliger eminente pero pa sigi asina tur hende mester aseptá nan responsabilidadat personal. Bisti tapa kara i tene distansia sosial ora nan no ta na Saba maske nan ta bakuná.

Den kaso di duda, yama klinika “Saba Cares” si un hende tin sintoma despues di dos siman di a retorná Saba.

E medidanan a konta tambe pa hendenan ku ta biaha pa menos ku dos dia entre Saba i Sint Maarten pero si un persona a keda solamente dos dia na Sint Maarten i no mester tèst ora retorna Saba.

Sinembargo hendenan ku a biaha pa

Sint Maarten pa menos ku dos dia lo mester pasa prueba despues di 5 dia. Pero e regla ta keda ku hende ku no a bakuná mester bai 5 dia den karentena.

Bakunashon di hobennan entre 12 i 17 aña ta kanando masha bon i pa djabierne ultimo 87% di tur hoben registrá a haña nan promé dosis di Moderna.



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa frankil,  
Pa mi bolbe haña forsa”.  
Salmo: 23

Cu profundo tristesa nos ta anuncia fayecimento di:



**Mario Willems**

\*22-03-1938 - †12-08-2021

Acto di entierio lo wordo anuncia despues





"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu un inmenso Dolor na nos Curason pero conforme  
cu boluntad di Dios nos mester anuncia fayecimento di  
nos Ruman, Tanta, Tanta grandi, Prima, bon Amiga y  
Juffrouw:

## Ethel Juliana Marchena

Mihor conoci como "Tante Pea"  
yiu di Defuntonan Clovis y  
Enriqueta Marchena QEPD



Su rumannan: Celia Alders  
Jenny Maduro  
Lena Marchena  
Osvaldo Marchena y Annelies Phelipa  
Belen y Dolfi Kock  
Eddy y Stella Marchena  
Anthony y Lidia Marchena  
Willy y Gloria Marchena  
Treesje y Ruben Garcia

Sobrino y Sobrinonan: Cheppy Alders y Margareth Chin  
Giovanni Alders y Els van Geijn  
Greg y Mayra Alders  
Gerile Alders  
Jeanine Maduro  
Anouchka Maduro y Gunnard Dabian  
Ronny y Marianela Maduro  
Dino Roos  
Marlon Roos  
Garrick Marchena  
Juni y Marianela Marchena  
Maroushka Marchena  
Romeo y Mary Kock  
Richie Kock  
Raffy y Bel Kock  
Vanessa Marchena  
EJ y Monica Marchena  
Renalinda Marchena  
Rainy Marchena  
Rowan y Karina Marchena  
Genevieve Garcia  
Gillenne y Darcy Franken

Sobra Sobrinonan Stima: Kimberly y Gareth, Darryl y Tizzy  
Ayla, Karim  
Brandon, Chanani, Abbie Celia  
Jeaniree y Greg, Jerena  
Kiani, Yona  
Aryton, Antoine  
Derrick  
Zeno, Tarino  
Matthew, Aaron  
Laura Cristina, Ana Victoria, Ana Sofia, Juan Daniel  
Diana  
Oliver Max, Dimitri  
Raniel, Risa  
Rocco, Sienna  
Marcelo, Liam  
Antron, Abrianny  
Mescos sobrina:  
Givancka Dijkhoff y familia

Ayudante di cas:  
Karol

Demas Famia, primo y primonan, Amigo y amiganan,  
Bisiña y conocirnan, ta invita pa entierro;  
Diaranson 18 di augustus 2021 di 9or pa 10.30 di mainta  
na Royal Funeral Home.  
Conforme protocol di DVG, ban mantene nos mes na e  
reglanan aki;

- Ningun contacto fisico
- Uzo di topaboca
- Practica distanciamiento social.
- 

Despues di esaki lo haci un response sigui pa Cremacion  
den seno familiar.  
Nos no lo ricibi bishita di condolencia na cas, danki pa e  
comprension.



"Don't remember me with sadness nor tears.  
Remember all the laughter, we have shared throughout  
the years. Now I am contented. My life was worthwhile,  
knowing I was loved by many"  
Cu hopi tristesa pero conforme cu tur locual cu e a  
nifica pa nos, nos ta anuncia fayecimento di nos ser  
stima:

## Sr. Juan de Dios Liberio Kock

Mihor conoci como  
"Juancho" of "Opa"  
December 30, 1949 - August 13, 2021



Mayornan:  
†Jose Maria "Papai" Kock y  
†Maria "Mamai" Kock

Na number di su:  
Casa: Irma Irena Kock-Arends

Yiunan:  
Michel y Diane Kock  
Marlon y Charissa Kock  
Marisabel y Carlos Tapias

Manera Yiu:  
Ian y Ikeson Brema

Nietonan:  
Gavin Kock  
Eva Marie Kock  
Connor Kock  
Elliott Kock  
Keano Tapias

Rumannan:  
Marcelo y Carmen Luisa Kock y familia  
Ricardo y Sita Kock y familia  
†Ignacio "Nico" Kock  
Lidia Kock y familia  
Chicho Kock y familia  
Susana y Nelson Castillo y familia  
Rina y Roy Reyes y familia

Swanan/Cuñia:  
†Robert y † Francisca Arends y familia  
Gilbert y Vilja Arends y familia  
Rosalinda "Nena" Arends y familia

Suegra:  
†Elizabeth "Bebe" Maduro  
Amigonan stima

di cas:  
Rudy y Livia Frank y familia  
Andres y Marcela Garcia y familia  
Ven y Lisette Eman y familia  
Edwin "Papito" y Elvia Comenencia y familia  
Tico Geerman y familia

Ihanan, Subrino y Subrinanan, Primo y Primanan,  
y demas amistadesnan y amigonan, mucho pa  
menciona.

Demas famia: Kock, Arends, Geerman, Maduro, Rojer,  
Croes, Tapias, Quandus, Reyes, Werleman, Wernet,  
Ponson, Blok, Schwengle, Brema, Frank, Amaya,  
Nieuwerkerk, Tromp, demas famia y conocirnan.  
Nos disculpa si den nos momento di tristeza nos por a  
lubida di menciona un of otro persona.

Ta invita pa e acto di entierro cu lo tuma lugar  
diaranson 18 di augustus 2021 na Aurora Funeral Home  
na Oranjestad di 2'or pa 4'or di atardi. Despues lo sali  
pa Santana Central Sabana Basora.

Adres pa condolencia: Aurora Funeral Home na  
Oranjestad diamars 17 di augustus 2021 di 7'or pa 9'or  
di anochi.

Donacion na Koningin Wilhelmina Fonds lo ta  
altamente aprecia. Lo tin un box disponibel pa esaki.

No ta permiti pa filma ni saca potret.



Tur cu ta cansa y carga, bini serca Mi y Ami lo  
duna boso sosiego. Tuma mi yugo riba boso  
schouder y siña di Mi, pasobra Mi ta manso y  
humilde; y boso lo haña sosiego. Pasobra mi  
yugo ta suave y mi carga ta lihe.  
Mateo 11:28-30

Cu hopi tristesa y dolor na nos curason pero  
conforme cu boluntad di Dios,  
nos ta anuncia fayecimento inespera di nos  
casa, tata y abuelo stima:



## Felix Fedelis Wilford

Cariñosamente yama "Tata of Daddy"  
Director di British West Indies Airlines  
\*24-04-1947 - †11-08-2021

Na nomber di su:  
Esposa stima: Priscilla Yolanda Wilford-Smith

Yiunan: Michelle Wilford y familia  
Alicia Wilford y familia  
Angelique Wilford y familia  
Marlon Wilford y familia  
Damian Wilford y familia

Nieto y nietanan:  
Nigel  
Rachelle  
Catherine  
Christian  
Aron  
Jada

Rumannan:  
Mikey Wilford y familia  
Tony Wilford y familia  
Andrea Wilford y familia  
Joan Wilford y familia  
Christin Wilford y familia  
Sobrina: Maureen Smith

Swa mescos cu ruman:  
Denzil, Fabian, Damian, Sheldon, Anzil

Cuñia:  
Nola, Pamela, Petal, Carol  
Sobrino: Kremlin Wilford  
Un danki special ta bai pa e acompañante

social: Lourdes Leerdam

Demas famia: Wilford, Smith  
Acto di despedida lo tuma lugar na Aurora  
Funeral Aruba diaranson 18 di Augustus 2021 di  
9'or pa 11'or di mainta.

Nos disculpa si den nos tristesa nos por a lubida di  
mensiona un of otro famia of conocir.

Nos no ta ricibi bishita di condolencia na cas.





### Gradicimento/ Invitacion

Di profundo di nos curason nos ta gradici tur famia, amigo y conocirnan cu a compaña nos durante entierro di nos defunto stima:



### Loreta Werleman

"Aura" of "Pepe"

Masha danki pa tur e yamadanan, WhatsApp, carchinan y floran. Boso sosten tabata un gran consuelo pa nos.

Un gradicimento ta bay na Dr. S. Vis cu pa 13 aña a dun'e un bon trato como su huisarts.

Na Dr. A. Garcia cu a trata su Niña cu tanto cariño! Tambe na Dr. T. Peterson y afdeling wondenpoli pa nan servicio. Un danki tambe na Aurora Funeral Home pa nan bon servicio y atencion.

Alavez nos ta invita pa 3 Santo Sacrificio di Misa pa descanso di Loreta "Aura of Pepe" Werleman cu lo tuma luga na Misa Inmaculada Concepcion na Sta. Cruz. Dianan: diamars 17 di augustus 2021, diahuebs 19 di augustus 2021 y diabierna 20 di augustus 2021, tur cuminsando pa 7:00 p.m.

Boso presencia lo ta altamente aprecia.



"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa frankil,  
Pa mi bolbe haña forsa".  
Salmo: 23

Cu dolor na nos curason, nos ta participa fayecimento di nos ser stima:



### Sra. Albertina Dijkhoff

Cariñosamente yama "Tina, Mama of Oma"  
\*11-05-1949 - †08-08-2021

Acto di despedida lo wordo anuncia despues



### Gradicimento y invitacion

Pa medio di esaki Dorothy y Madeline Laclé ta gradici di curason tur esnan cu di un of otro manera a duna atencion y ayudo durante enfermedad y entierro di nan Mama stima



### Maria Serafina Laclé-Giel.


Danki na tur cu a bin duna condolencia, yama na telefon, manda carchi y apps despues di su fayecimento. Un danki special ta bay na Dr. Becker, Dr. Franca, Dr. Pieterse, Dr. Gonzalez, Wit Gele Kruis y Koningin Wilhelmina Fonds.

Nos ta invita famia- y amistadnan pa tres Santo Sacrificio di misa na Misa Santa Anna na Noord pa descanso eterno di Maria: dialuna 16 y diaranson 18 di augustus pa 6.30 di atardi y diasabra 21 di augustus pa 7 or di anochi.



Whoever dwells in the shelter of the Most High  
will rest in the shadow of the Almighty.  
I will say of the LORD, "He is my refuge and my  
fortress, my God, in whom I trust."  
Psalm 91:1-2

With a heart full of gratitude for what she has  
meant to us, we announce the passing of our  
beloved:



### Ms. Leanor Louise Carfano

Betterknown as "Lee"  
\*06-05-1949 - †05-08-2021

Place and date of farewell will be announced later

Website:  
www.awemainta.com

Facebook:  
www.facebook.com/awemainta

E-mail:  
noticia@awemainta.com

Tel:  
583-1400

Fax:  
583-1444

**AWE  
Mainta**  
#1 online



"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa frankil,  
Pa mi bolbe haña forsa".  
Salmo: 23

Nos ta anuncia fayecimento di:



### Francisco Antoni Ranes

\*03-05-1947 - †07-08-2021

Na number di su:

Yiunan:

Ingrid Ranes

Kimberly Ranes

Belgica Ranes

Nietonan:

Hendrik Ranes,

Branyl Gomez,

Anthony Arends,

Edmar Arends

Subrina:

Nancy Kock

Rumannan:

†Benjamin Kelly y famia

Franklin Ranes y Martina Tromp y famia

Maria Ranes y yiunan y famia

Gerardo y Carolina Figaroa y yiunan y famia

Mario y †Margarita Figaroa

Ana Figaroa y yiunan

Milda Rafael y famia

Diana Richardson y famia

Carla y Antonio Magdaniel y famia

Emy y Albert Lumonier y famia

Jolima y Leo Hart y famia

Tanta y omonan, sobrino y sobrinanan, primo y primanan, comer y compernan, swa y cuñanan, tur su bon compañoeronan di trabow ASTEC, bisiñanan y conocirnan.

Amigonan:

Famia Smithoek-Velerio,

Ana Francisco, Diomedes Ortiz

Famia:

Ranes, Figaroa, Richardson, Trinidad, Ignacio, Croes, Wouters, Eduards, Loefstok, Brion, Orman

Acto di despedida ta tuma lugar diabierna 20 di augustus 2021 di 2'or pa 4'or di atardi na Misa San Francisco na Playa.



Prizon y abogado tur dos a kibocá

# Inicialmente a calculá fecha robes pa Schotte sali liber condicional

**WILLEMSTAD** - Ounke ya e hecho ku e èks lider politiko di MFK i èks Promé Minister Gerrit Schotte ta den libertat pa komo 7 pa 8 luna, publikashon dje veredikto kaminda Korte di Hustisia a ninga di aprobá su libertat den forma di verlòf temporal ku banchi elektroniko.

Korte di Hustisia a trata e kaso, pasobra t abata e ultimo instansia ku a dikta veredikto i ta nan a trata e apelashon kontra e desishon di Minister di Hustisia (ya èks minister) pa no konsedé verlòf ku banchi elektroniko.

E kaso no ta di aktualidat ne momentonan aki, pero loke ta hasi ku e ta interesante t'e hecho ku ta awor numa – 9 luna pasá - ku e publikashon dje detayenan a tuma lugar. Esei tabata djabierne ultimo i ta eiden e detaye ta sinta kontando fo'i ku a fecha su abogado a konta pa pidi verlòf, pero Korte di Hustisia a bai tras dje argumentonan di Prokurador General, kende tabatin su mes fórmula pa fiha e fecha siendo ku e abogado a bai tras di e fecha ku segun atministrashon di prizon e tabatin derechi pa pidi i haña verlòf temporal antisipá.

Dia 5 di oktober 2020 su abogado a hasi e petishon i despues dje tratamentu e veredikto den e kaso tabata dia 3 di november 2020 despues ku dia 21 di september 2020 Minister di Hustisia a rechasá su petishon pa sali ku verlòf temporal.

Tantu Schotte komo su abogado i Prokurador General mr. M.L.A. Angela a partisipá na e seshon kaminda mr. Angela a anunsiá ku por spera ku Schotte lo sali liber kondishonalmente dia 27 di november 2020.

Den e seshon di Raadkamer e abogado di Schotte a spika ku no tabatin rason pa kual e Minister mester a tuma un desishon negativo, pasobra inhustamente e Minister a basa su desishon riba poseshon i uso di telefon selular den prizon.

Mas ainda e Minister no a aktua hustu siendo ku den seno di SDKK a traha un konseho positivo pa Schotte sali ku verlòf antisipá ku banchi elektroniko. Prokurador General a limitá su mes a limitá pa rechasá e petishon.



E argumentashon di Korte di Hustisia dikun nan a sigi Prokurador su rasonamentu ta basta tékniko, pero básicamente ta bisa ku e detenido por haña verlòf temporal ora el a sinta sea 2/3 of 4/5 parti di su kastigu.

Pero i aki e kabuya ta sinta.... verlòf ta solamente posibel si loke ta sobra dje tempu ku e prezu tin ku sinta na inisio di su partisipashon n'e programa di verlòf ta por lo menos ún luna.

I ku un kastigu di 3 aña e fecha klave pa el a sali ku verlòf tabata premirá riba 27 november 2020. Si apliká e regla aki korektamente, esei ta trese kune ku sobrá di su kastigu na momento ku supuestamente e por a kuminsa su verlòf ku banchi elektroniko tabata menos ku ún luna.

Su abogado a argumentá ku Korte mester konsiderá resto di su kastigu ta kuminsa di 24 yuni 2020 ku t'e fecha ku gerensia di SDKK a menshoná den nan rekomendashon, pero no t'asina pasobra e regla ta bisa klaramente ku e mester kuminsa konta sobrá dje kastigu ora e prezu kuminsa partisipa n'e programa di verlòf.

I esei ta nifiká ku di akuerdo ku e loke nan ta yama e desishon e prezu no ta bin na konsiderashon pa haña verlòf kondishonal ku banchi elektroniko. Ta for di e momento e intento pa logra su libertat temporal a noufragá.

I den e fase ku e kaso tabata, Korte no ta opiná riba e fundamentu huridiko dje petishon.





# AWEMainta

## E unico corant GRATIS



### Abona awo

Manda un e-mail na:

**Noticia@awemainta.com**

y skirbi e palabranan: *"Ami Kier Abona"*

---

### Like nos riba facebook

Keda "up to date" y like nos riba facebook  
[www.facebook.com/awemainta](http://www.facebook.com/awemainta)



---

### Subi riba nos website

[www.awemainta.com](http://www.awemainta.com)

---

AWEMainta completamente

# DIGITAL